

生醫
巫伯松監

外科證治全書卷三

巫伯松處方

環峯許克昌倫聲

同輯

木末畢 法蒼霖

項部證治

腦後發

失榮

癰癰

鈕扣風

項強

筋脈

頸項俗名脖子項之前有缺盆缺盆之中即任脈之天突穴

爲頸前居中第一行脈 缺盆之上有人迎穴喉間開

一寸五分屬胃爲頸前第二行脈 人迎後一寸五分

名扶突穴屬大腸即頸前第三行脈 扶突後名天窗

穴屬小腸卽頸中第四行𦨇 天窗後爲膽𦨇頸中無

穴乃第五行𦨇 膽𦨇後名天牖穴屬三焦卽頸中第

六行𦨇 天牖後天柱穴屬膀胱卽頸中第七行𦨇

天柱後居頸之中央者督𦨇也 名天府自前中一行

至此爲第八行𦨇

缺盆

缺盆穴在橫骨上左右各一爲一十二經之道路

手陽明大腸手太陽小腸

足陽明胃足少陽膽手少陽三焦𦨇俱入缺盆手太陰

肺足陽明胃足少陽膽足太陽膀胱俱結缺盆

癰疽就簡

天柱疽

生項後高骨卽大椎骨也患形初起如臥蠶極痒

魚尾毒

生項後髮際下兩旁骨俗名燕

尾節偏腦疽之

百脈疽

初發漫腫大小數塊環繞頸項其色紅紫痛熱不食氣逆咳嗽

結喉癰

生項前結喉之上又名猛疽以其毒氣猛烈也

夾喉癰

生結喉之兩旁

俱按陽

癰陰疽則例治法

腦後發

俗名對口

生項後入髮際正中因與口對故俗名對口患偏兩傍則名偏對口治當辨其紅白色紅者用五通丸醒消丸敗毒散潰後托毒散醒消丸色白者用陽和湯十全大補湯如口乾作渴飲水不歇小便頻數或淋瀝作痛舌上燥黃如雞內金者乃腎水枯竭心火上炎此證最惡急用加減八味丸以滋補之否則不救餘按癰疽治法

五通丸

通用五十

醒消丸

通用四十七

敗毒散

通用一

內托散

通用三十八

陽和湯

通用五

十全大補湯

通用二十六

加減八味丸

通用四十六

失榮

生於肩之上耳之前後初起腫核皮色如常日漸長大堅

鞭如石推之不移按之不痛半載一年方作陰痛由憂

思恚怒痰氣凝結而成初宜服紫元丹消之每隔兩日

進一服所隔之兩日以陽和湯犀黃丸早晚輪服外敷

抑陰散如潰貼陽和解凝膏內亦以陽和湯犀黃丸輪

服日日不閒可冀收功若經久潰氣血衰弱形體瘦削

破爛紫斑滲流血水或腫泛如蓮穢氣熏人愈久愈大

越潰越堅者俱屬敗證不治

紫元丹

通用五十一

陽和湯

通用五十八

犀黃丸

通用四十八

陽和解凝膏

通用七十七

抑陰散

通用五十八

癰癤

小者爲癰大者爲癤生於項間初起一小核在皮裏膜外
不覺疼痛皮色不異漸大如桃李旁增不一諸書辨其
名類云形軟遇怒卽腫盛者名氣癰堅鞭筋縮者名筋
癰形如蛤蜊堅鞭作痛作腫者名馬刀癰癰一包而生
數十枚者名蓮子癰繞項而生者名蛇盤癰其形大小

不一連接數枚者名子母癰如黃豆結筴一般者名鎖
項癰形小多痒者名風癰生項間延至胸腋者名瓜藤
癰一枚上堆纍三五枚盤疊成攢者名重臺瘰癧生如
鼠形名鼠癰又名鼠瘡纍纍如串俗名老鼠串要皆屬
肝腎虛損氣結痰凝而成初起用子龍丸每服三分淡
薑湯下日三次外敷烏骨膏小孩不能服丸者用小金
丹日日敷服至愈乃止數年忌食香橙食則復發

一內潰爛或成膿未潰者或兼有未盡成膿者則用犀
黃丸止其已潰之痛鬆其成膿未潰之脹消其未盡
成膿之核其已成膿者用齧頭膏穿之兼服溫補祛

痰活血壯氣之劑如陽和湯加味二陳湯加味保元湯四物養榮湯皆可隨宜選用外貼陽和解凝膏

一潰爛延至肩胸脇下不堪之極四五年不能愈者用洞天救苦丹三服犀黃丸六服按潰爛不斂規法服之外用荊芥根下一段剪碎煎湯溫洗良久敷雄樟散待九日後皮色變白孔內紅活接服大棗丸肌肉漸長用生肌藥收功

一有爛至咽喉飲熱湯外覺熱痛者乃危險之極稍遲則爛穿咽喉不救急取鞭柴心一根量本人中指量其三指共積一薪隨其長短男左女右就手之左右

卽在手下之腳骨正中骨頂之處定準一直量上盡頭以墨記取艾團連灸三壯膏藥掩之可保咽喉不穿然後按前治法

一凡潰後瘡中或有紫塊不可妄用鍼刺當聽其自化

雄樟散

雄黃

樟腦

等分

右研粉麻油調頻搗患上

灸癰癰祕法

存驗

取肩尖肘尖骨縫交接處各有一穴卽手陽明經肩髃曲池二穴也當以指甲掐之覺有酸麻方是各灸

七壯在左灸左在右灸右左右俱病者俱灸之

按景岳云

嘗用此法甚效

又瘰癧不論已成未成已潰未潰俱宜灸之以手仰置
肩上微舉起則肘骨尖自見卽是灸處以三四十壯
爲度如患三四年不愈者辰時灸至申時三次灸卽
愈更服溫補之劑按此法乃單灸曲池以多爲貴也
然但用前法則已妙矣倘有不應者又當以此法治
之

子龍丸

通用五十六

小金丹

通用五十二

犀黃丸

通用四十八

陽和湯

通用五

加味二陳湯

通用十八

加味保元湯

通用二十九

四物養榮湯

通用二十七

洞天救苦丹

通用五十三

烏龍膏

通用六十

陽和解凝膏

通用七十七

大棗丸

通用五十五

鰈頭膏

通用六十一

瘰癧多由風熱毒邪與血氣相搏鬱結成核如貫珠於耳項之間腫輒白色搖奪不動而有根者便是瘰癧用藥多有不效最宜於用銚火至易至妙

銚火焦法

如瘰癧在左則焦左邊瘰癧在右則焦右邊前至頸上耳脚下起離六分地一點一點直下乳次過脇上至肺俞穴頸上耳後正在瘰癧上周圍一焦第二次照原路空處補之便愈若只有核而搖動者不是瘰癧初起

紅腫便是癰疽不可作瘰癧治

陳遠公治瘰癧方名消串丹

白芍

一兩

白朮

一兩

柴胡

二錢

天花粉

三錢

茯苓

五錢

陳皮

一錢

附子

一片

甘草

一錢

蒲公英

三錢五分

紫背天葵

五錢

右水煎連服八劑將藥減半再服十劑而瘰癧盡化再

服一月全愈接服六君子湯以爲善後之計斷不再

發此方妙在蒲公英與紫貝天葵爲消串之神藥然

非佐之以白芍柴胡則肝木不平非輔之以白朮茯

苓則脾土不健何以勝攻痰破塊之烈哉又得附子

之力以引羣藥直搗中堅所以能起沈疴於旦夕耳
又云人有久生瘰癧兩頸之間盡多潰爛胸膈之上無
非痰塊已有破頭欲腐者遂至身體寒熱肌肉消瘦
飲食少思盜汗自汗驚悸慌惚此等證原係難治然
治之有法尚可救也大約瘰癧初起以解鬱爲先而
佐以補虛以消其毒倘執尋常法祛痰敗毒爲事鮮
不速斃者方用轉敗散

轉敗散

人蔘 二兩

柴胡 二錢

白芍 三錢

銀花 三兩

當歸 二兩

半夏 五錢

白朮 一兩

生甘草 三錢

水煎服四劑胸間之痰塊盡消再服四劑頸上潰爛亦
愈將前方減半再服十劑瘡口悉平再不發也

內消瘰癧應驗方

土貝母

白芷 各五錢

共爲細末糖霜調陳酒下三錢重者三服愈

又方

用鼠矢兩頭尖者爲雄圓者爲雌揀開各曬乾研末
男用雌女用雄將雞子一箇頂上打一小洞傾去白
但存黃入鼠矢在內以滿爲度攪勻用皮紙封固洞
口飯上蒸熟去殼臨臥時搓碎火酒送下隔一日再

服雖遠年破爛者不過三四次卽愈未破者卽消

鈕扣風

生於頸下天突穴之間由汗出之後邪風襲於皮膚起如粟米搔痒無度抓破津水誤用水洗浸淫成片輕者用芥菜花一味細末醋調敷之最妙或樟硫散熟豬脂調搽亦妙甚者須兼服消風散

消風散

荊芥

防風

蒼朮

當歸

薄荷

蟬蛻

石膏

木通

牛蒡子

各一錢五分

生地

三錢

甘草

七分

水煎食遠服

樟硫散

硫黃 一錢

樟腦

川椒紅

生白礬

各二錢

研末用白蘿蔔一箇掏空將藥填滿以蘿蔔蓋之紙包三四層灰火內煨半時許俟冷取出同熟豬油調稠搽患上

項強 俗名落枕

頸項強急轉移不便乃膀胱經感風寒溼氣所致或閃促亦令項強用礪砂研細以骨簪蘸津挑礪砂點兩目內淚出稍鬆連點三次立時即愈

疑出併發與濕三大立却

亦令更與用藥如形雖以骨

應更與急轉針不更以調劑

更與

對患士

三四會次火內野半却

和末用白藤筒一箇固空

施黃

對調

川附珠

坐白

對調

水煎食